

MALAYSIA
DEWAN RAKYAT
ATURAN URUSAN MESYUARAT

NASKAH SAHIH/BAHASA MALAYSIA

<http://www.parlimen.gov.my>

HARI KHAMIS, 9 MAC 2023, PUKUL 10.00 PAGI

Bil. 8

WAKTU PERTANYAAN-PERTANYAAN MENTERI

1. PR-1521-MQT2066
Puan Vivian Wong Shir Yee [Sandakan] minta **MENTERI PENGANGKUTAN** menyatakan apakah rancangan jangka panjang Suruhanjaya Penerbangan Malaysia (MAVCOM) untuk mengatasi harga tambang penerbangan yang terlalu tinggi antara Semenanjung dan Sabah, terutamanya semasa musim perayaan.
2. PR-1521-MQT2071
Tuan Yuneswaran A/L Ramaraj [Segamat] minta **MENTERI EKONOMI** menyatakan bagaimana Inisiatif Pendapatan Rakyat (IPR) dapat membantu isi rumah B40 dan miskin tegar menjana pendapatan dan bagaimana Kementerian Ekonomi dapat memastikan 100,000 miskin tegar dapat terlibat dalam IPR ini. Berapa unjuran pendapatan yang mampu dijana oleh para peserta mengikut tiga inisiatif di bawah IPR iaitu INTAN, INSAN dan IKHSAN.
3. PR-1521-MQT2050
Tuan Jimmy Puah Wee Tse [Tebrau] minta **MENTERI LUAR NEGERI** menyatakan apakah pendirian Kerajaan Malaysia terhadap situasi di Myanmar sekarang yang mana sebuah Kerajaan yang sah dan dipilih melalui proses undi demokrasi telah diguling oleh junta tentera melalui langkah Kudeta pada Februari 2021.

MALAYSIA
DEWAN RAKYAT
ATURAN URUSAN MESYUARAT

NASKAH SAHIH/BAHASA MALAYSIA

<http://www.parlimen.gov.my>

HARI KHAMIS, 9 MAC 2023, PUKUL 10.00 PAGI

Bil. 17

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1521-L18019
Tuan William Leong Jee Keen [Selayang] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada Kerajaan bercadang melaksanakan skim pencen warga emas untuk rakyat berumur 65 tahun ke atas yang tidak menerima pencen Kerajaan ataupun pencen PERKESO.
2. PR-1521-L19057
Tuan Haji Wan Hassan bin Mohd Ramli [Dungun] minta **MENTERI PENDIDIKAN** menyatakan :-
 - (a) apakah keputusan Kementerian mengenai penyelesaian masalah bagi meringankan beban beg berat dalam kalangan pelajar terutamanya sekolah kebangsaan; dan
 - (b) adakah Kementerian bercadang untuk menukarkan bahan sistem pendidikan secara fizikal kepada digital yang dapat menjimatkan perbelanjaan Kementerian dalam kos buku teks dan lain-lain.
3. PR-1521-L18006
Tuan Sanisvara Nethaji Rayer A/L Rajaji [Jelutong] minta **MENTERI KEWANGAN** menyatakan adakah Kerajaan Perpaduan akan memperkenalkan semula cukai GST (*Goods and Services Tax*) yang telah membebaskan rakyat sebelum ini .

4. PR-1521-L18918
Tuan Zulkifli bin Ismail [Jasin] minta **MENTERI PELANCONGAN, SENI DAN BUDAYA** menyatakan apakah usaha dan langkah yang telah diambil untuk membantu pemain industri dalam memanfaatkan teknologi digital dalam sektor pelancongan termasuk cabaran-cabaran dan halangan-halangan yang dihadapi.
5. PR-1521-L19418
Puan Young Syefura binti Othman [Bentong] minta **MENTERI KERJA RAYA** menyatakan perancangan untuk baik pulih jalan lama Kuala Lumpur – Bentong dari segi cerun runtuh, keadaan jalan raya dan pemasangan lampu jalan.
6. PR-1521-L19173
Tuan Mohd Nazri bin Abu Hassan [Merbok] minta **MENTERI PERTANIAN DAN KETERJAMINAN MAKANAN** menyatakan Kerajaan telah berusaha bersungguh-sungguh dengan pelbagai kaedah memajukan perusahaan perikanan. Usaha yang dijalankan telah memakan masa dan boleh dianggap telah dewasa. Sehubungan itu, apakah langkah-langkah Kementerian dalam merencana keterjaminan sumber perikanan dan mengurangkan import hasil laut.
7. PR-1521-L18193
Tuan Khoo Poay Tiong [Kota Melaka] minta **MENTERI KEWANGAN** menyatakan :-
 - (a) langkah-langkah yang telah dan akan diambil oleh Kerajaan Perpaduan untuk mengatasi masalah penipuan atas talian (*online scam*); dan
 - (b) adakah Kerajaan akan memperkenalkan obligasi perkongsian liabiliti antara pihak bank dan pengguna supaya pihak bank juga bertanggungjawab terhadap kerugian akibat penipuan atas talian .
8. PR-1521-L19209
Tuan Abdul Latiff bin Abdul Rahman [Kuala Krai] minta **MENTERI KERJA RAYA** menyatakan penyelesaian Kerajaan terhadap projek yang gagal disiapkan dalam tempoh yang ditetapkan dan apakah status terkini Lebuhraya Kota Bharu - Kuala Krai dan Pakej 2B Ketereh - Kok Lanas.

9. PR-1521-L18705
Tuan Roy Angau anak Gingkoi [Lubok Antu] minta **MENTERI PERLADANGAN DAN KOMODITI** menyatakan tindakan yang diambil oleh Kementerian dalam membantu pekebun-pekebun kecil komoditi sawit, getah, lada dan koko yang terkesan akibat ketidakstabilan harga komoditi dunia serta peningkatan kos baja dan racun.
10. PR-1521-L19019
Tuan Sabri bin Azit [Jerai] minta **MENTERI PENDIDIKAN** menyatakan apakah langkah yang diambil untuk memperkasakan DBP dan ITBM memandangkan kempen amalan membaca dalam kalangan rakyat yang semakin menurun.
11. PR-1521-L18296
Tuan Haji Aminolhuda bin Hassan [Sri Gading] minta **MENTERI PERTANIAN DAN KETERJAMINAN MAKANAN** menyatakan berapa peruntukan yang telah dibelanjakan oleh Kerajaan sepanjang 2020 - 2022 untuk membantu petani dalam subsidi baja.
12. PR-1521-L19245
Tuan Roslan bin Hashim [Kulim Bandar Baharu] minta **MENTERI KEWANGAN** menyatakan langkah yang diambil oleh Kementerian Kewangan Malaysia dalam membantu para belia dan pemohon pinjaman perumahan yang dilihat sukar mendapatkan pinjaman institusi kewangan yang kebanyakan menetapkan syarat ketat dan penetapan kriteria tertentu dan menyukarkan para peminjam untuk membeli rumah mampu milik .
13. PR-1521-L17960
Datuk Jonathan Yasin [Ranau] minta **MENTERI KERJA RAYA** menyatakan akan mengambil tindakan yang drastik untuk memperbesar laluan jalan Persekutuan iaitu Jalan Tamparuli – Ranau - Telupid untuk menyelesaikan masalah kesesakan lalu lintas di jalan ini. Masalah ini terjadi kerana pengguna jalan ini sudah bertambah ramai dan digunakan juga oleh kenderaan-kenderaan berat yang mana melambatkan lagi lalu lintas di jalan ini. Keadaan ini menyukarkan penduduk setempat dan pelancong yang datang dari dalam dan luar negara.
14. PR-1521-L18750
Tuan Hassan bin Saad [Baling] minta **MENTERI PENDIDIKAN** menyatakan usaha Kementerian meningkatkan literasi pendidikan dalam konteks 3M (membaca, menulis dan mengira) khususnya di kawasan pedalaman dan luar bandar.

15. PR-1521-L19439
Dr. Richard Rapu @ Aman anak Begri [Betong] minta **MENTERI PERLADANGAN DAN KOMODITI** menyatakan :-
- (a) apakah program Kementerian untuk membantu pekebun kecil sawit yang terkesan akibat kenaikan harga input pertanian seperti baja dan racun; dan
 - (b) adakah Kementerian bercadang untuk mewujudkan semula program Tanam Baru Sawit Pekebun Kecil (TBSPK).
16. PR-1521-L19093
Tuan Zahari bin Kechik [Jeli] minta **MENTERI KERJA RAYA** menyatakan langkah-langkah dan tindakan yang telah diambil untuk menaik taraf Jalan Raya Timur Barat untuk menjamin keselesaan dan keselamatan pengguna di laluan tersebut.
17. PR-1521-L18104
Dato' Sri Doris Sophia anak Brodi [Sri Aman] minta **MENTERI KEWANGAN** menyatakan langkah Kementerian dalam usaha menambah baik manfaat dan skim bantuan (kewangan dan bukan kewangan) bagi meringankan beban kos sara hidup terutamanya golongan B40 dan M40.
18. PR-1521-L18137
Dato' Sri Dr. Haji Ismail bin Haji Abd. Muttalib [Maran] minta **MENTERI PERTANIAN DAN KETERJAMINAN MAKANAN** menyatakan berapa jumlah keluasan tanah terbiar yang dikategorikan sebagai sawah yang tidak dimajukan oleh pemilik (penduduk luar bandar) dan apakah Kementerian berhasrat untuk memajukannya dalam usaha menambah pengeluaran beras negara sekaligus mengurangkan beras yang di import dari negara luar.
19. PR-1521-L18394
Tuan Edwin anak Banta [Selangau] minta **MENTERI KERJA RAYA** menyatakan inisiatif yang dilaksanakan oleh Kementerian untuk menaik taraf infrastruktur keselamatan jalan raya bagi keselesaan pengguna.
20. PR-1521-L18588
Dr. Hajah Halimah Ali [Kapar] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah dasar acuan yang digunakan oleh Kementerian untuk membangunkan wanita.

21. PR-1521-L18127

Tuan Sim Tze Tzin [Bayan Baru] minta **MENTERI PERTANIAN DAN KETERJAMINAN MAKANAN** menyatakan dilaporkan puluhan ladang ayam telur telah tutup kerana masalah kenaikan kos input, subsidi telur yang terlalu rendah dan karenah birokrasi pemberian subsidi. Nyatakan bagaimana Kementerian membantu sektor penternak penelur yang mengalami kerugian yang besar ini.

22. PR-1521-L19308

Tan Sri Dato' Haji Mahiaddin bin Haji Mohd. Yassin [Pagoh] minta **MENTERI KEWANGAN** menyatakan adakah Kerajaan akan melaksanakan *Goods and Services Tax* (GST) untuk menambah kutipan hasil negara.

23. PR-1521-L18232

Datuk Wetrom bin Bahanda [Kota Marudu] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah kadar bantuan kewangan kepada penerima Jabatan Kebajikan Masyarakat (JKM) akan disesuaikan dengan kadar kos sara hidup yang semakin meningkat terutama kawasan luar bandar seperti Kota Marudu yang mempunyai kadar pendapatan yang rendah.

24. PR-1521-L18800

Datuk Haji Awang bin Hashim [Pendang] minta **MENTERI KEWANGAN** menyatakan sama ada Kerajaan bercadang untuk mengembalikan Cukai Barang dan Perkhidmatan (GST) menggantikan Cukai Jualan Dan Perkhidmatan (SST) sedia ada serta adakah Kerajaan bercadang untuk meningkatkan hasil pendapatan negara melalui percukaian.

25. PR-1521-L18566

Tuan Haji Ahmad Johnie bin Zawawi [Igan] minta **MENTERI KERJA RAYA** menyatakan status terkini pembinaan Lebuhraya Pan Borneo di Sarawak.

26. PR-1521-L18289

Dato' Seri Amirudin bin Shari [Gombak] minta **MENTERI PERTANIAN DAN KETERJAMINAN MAKANAN** menyatakan keterjaminan makanan berdasarkan import tahunan untuk memenuhi keperluan rakyat Malaysia serta jenis makanan yang dieksport secara tahunan. Berapakah peratus kesediaan makanan yang boleh dicapai menjelang tahun 2030 bagi mengatasi kekurangan sedia ada berdasarkan setiap jenis bahan makanan yang digunakan rakyat Malaysia.

27. PR-1521-L18815
Datuk Seri Panglima Bung Moktar bin Radin [Kinabatangan] minta **MENTERI PERTANIAN DAN KETERJAMINAN MAKANAN** menyatakan apakah perancangan jangka pendek dan jangka panjang pihak Kementerian dalam meningkatkan hasil pertanian dalam negara agar mengurangkan kebergantungan kepada bekalan import. Krisis bekalan makanan dunia ekoran perang Rusia - Ukraine haruslah dijadikan sebagai pengalaman untuk persediaan pada masa hadapan.
28. PR-1521-L18533
Dato' Indera Mohd Shahar bin Abdullah [Paya Besar] minta **MENTERI KEWANGAN** menyatakan apakah strategi Kerajaan bagi memastikan faktor-faktor yang mempengaruhi penentuan kadar OPR dapat dikawal agar kadar inflasi berada pada tahap rendah dan stabil dalam masa sama terus menyokong pertumbuhan ekonomi.
29. PR-1521-L18985
Datuk Haji Idris bin Haji Ahmad [Bagan Serai] minta **MENTERI PERTANIAN DAN KETERJAMINAN MAKANAN** menyatakan :-
- (a) pelan jangka masa panjang Kerajaan bagi menstabilkan harga telur ayam yang menjadi keresahan dalam kalangan rakyat; dan
 - (b) adakah kesan import telah menaikkan harga telur ayam tersebut.
30. PR-1521-L18327
Tuan Mordi Bimol [Mas Gading] minta **MENTERI PENDIDIKAN** menyatakan berapa banyak bangunan sekolah rendah, sekolah menengah dan juga pejabat pendidikan daerah yang belum dipindahkan hak milik tanah kepada Pesuruhjaya Tanah Persekutuan di Sarawak. Difahamkan bahawa bangunan daif ini tidak dibaik pulih atau dinaik taraf disebabkan masalah pemilikan tanah berkenaan.
31. PR-1521-L18237
Tuan Haji Yusuf bin Abd. Wahab [Tanjong Manis] minta **MENTERI PERTANIAN DAN KETERJAMINAN MAKANAN** menyatakan mempercepat proses pembaharuan lesen lama dan pengeluaran lesen baharu kepada para nelayan di Parlimen Tanjong Manis. Kelewatan dalam proses-proses ini telah menjejaskan punca pendapatan dan hasil para nelayan yang terlibat.

32. PR-1521-L19271
Datuk Che Mohamad Zulkifly bin Jusoh [Besut] minta **MENTERI PELANCONGAN, SENI DAN BUDAYA** menyatakan adakah Kerajaan menyediakan peruntukan bagi pembinaan jeti baru yang lengkap kemudahan bagi keselesaan pelancong dalam negara dan luar negara menaiki feri dan bot untuk ke Pulau Perhentian bagi menggalakkan lebih ramai lagi pelancong datang ke negara kita.
33. PR-1521-L18040
Tuan Fong Kui Lun [Bukit Bintang] minta **MENTERI KEWANGAN** menyatakan penjelasan lanjut isu keterlanjuran atau kecurangan kewangan berlaku dalam Kementerian Kewangan yang telah beliau kesan dan apakah tindakan selanjutnya.
34. PR-1521-L19144
Tuan Che Alias bin Hamid [Kemaman] minta **MENTERI PERTANIAN DAN KETERJAMINAN MAKANAN** menyatakan status terkini inisiatif pelaksanaan SMART Sawah Berskala Besar (SBB) di seluruh negara yang dapat mengeluarkan golongan petani daripada menjadi miskin secara berterusan.
35. PR-1521-L18593
Puan Teresa Kok Suh Sim [Seputeh] minta **MENTERI PENDIDIKAN** menyatakan bagaimana ahli dalam Majlis Penasihat Pendidikan Kebangsaan (MPPK) memberi nasihat secara khusus kepada Menteri jika tiada wakil daripada badan pendidikan Cina, Tamil dan Sarawak. Apakah Kementerian akan menambahkan lagi anggota dalam MPPK.
36. PR-1521-L18156
Dato' Azman bin Nasrudin [Padang Serai] minta **MENTERI PERTANIAN DAN KETERJAMINAN MAKANAN** menyatakan adakah Program Smart SBB akan diteruskan dan dipergiatkan bagi meningkatkan pengeluaran bekalan beras negara.
37. PR-1521-L18184
Tuan Oscar Ling Chai Yew [Sibü] minta **MENTERI KEWANGAN** menyatakan kesan pengutipan cukai produk petroleum oleh Kerajaan Sarawak terhadap industri petroleum di Sarawak, adakah ia akan mengakibatkan tahap persaingan industri petroleum di Sarawak menjadi kurang berbanding dengan negeri yang lain. Jelaskan impak positif dan negatif dasar cukai produk petroleum negeri Sarawak ini.

38. PR-1521-L18820
Tuan Wan Razali bin Wan Nor [Kuantan] minta **MENTERI PERTANIAN DAN KETERJAMINAN MAKANAN** menyatakan jumlah permintaan dalam negara dan kadar pengeluaran dalam negara bagi sumber makanan asas seperti beras, telur, ayam dan daging merah.
39. PR-1521-L18993
Datuk Andi Muhammad Suryady bin Bandy [Kalabakan] minta **MENTERI KEWANGAN** menyatakan apakah inisiatif serampang dua mata yang direncana oleh pihak Kerajaan bagi mengimbangi kesan Kenaikan Kadar Dasar Semalaman (OPR) yang penting terhadap pertumbuhan ekonomi negara tidak memberikan impak negatif kepada ekonomi rakyat yang kini amat terkesan kerana terpaksa menanggung kadar penambahan pinjaman yang tinggi.
40. PR-1521-L19009
Dr. Siti Mastura binti Muhammad [Kepala Batas] minta **MENTERI KEWANGAN** menyatakan perincian sumber kewangan negara dan aset-aset yang dimiliki oleh negara di dalam dan di luar negara.
41. PR-1521-L18648
Puan Rodiyah binti Sapiee [Batang Sadong] minta **MENTERI KERJA RAYA** menyatakan apakah keberkesanan Sistem Penilaian Keselamatan dan Kesihatan Industri Pembinaan (SHASSIC) dalam mengurangkan isu-isu keselamatan di tapak pembinaan.
42. PR-1521-L18913
Dato' Sri Tuan Ibrahim bin Tuan Man [Kubang Kerian] minta **MENTERI PENDIDIKAN** menyatakan jumlah terkini lepasan Ijazah Sarjana Muda Pendidikan dan Diploma Pendidikan yang belum mendapat penempatan Pegawai Perkhidmatan Pendidikan dan apakah langkah Kerajaan untuk mengatasi masalah ini.
43. PR-1521-L19128
Dato' Rosol bin Wahid [Hulu Terengganu] minta **MENTERI KEWANGAN** menyatakan adakah Kerajaan bercadang untuk menyemak dan menurunkan had masa menyimpan dokumen percukaian untuk individu kepada empat tahun memandangkan tempoh penyimpanan sebelum ini dilihat membebaskan dan tidak mesra pembayar cukai.

44. PR-1521-L17989
Kapten Dato' Dr. Zulkafperi bin Hanapi (Bersara) [Tanjong Karang] minta **MENTERI PERTANIAN DAN KETERJAMINAN MAKANAN** menyatakan apakah jaminan “Keselamatan Makanan Negara” dalam memastikan bekalan makanan rakyat tidak lagi bergantung kepada import dan bekalan makanan tempatan mencukupi serta menghapuskan peranan ‘kartel makanan’ dalam mempengaruhi bekalan dan harga makanan rakyat Malaysia.
45. PR-1521-L18642
Datuk Seri Panglima Haji Mohd Shafie bin Haji Apdal [Semporna] minta **MENTERI KERJA RAYA** menyatakan :-
- (a) baki kos keseluruhan pakej pembinaan Pan Borneo Sabah serta peratusan siap terkini ; dan
 - (b) selain daripada peruntukan pembangunan tahunan, adakah pakej Sabah akan menerima pembiayaan melalui terbitan sukuk/bon oleh DanaInfra Nasional Berhad.
46. PR-1521-L18078
Datuk Seri Utama Hasni bin Mohammad [Simpang Renggam] minta **MENTERI KEWANGAN** menyatakan apakah inisiatif-inisiatif fiskal dan tadbir urus kewangan yang sedang dirangka dan dilaksanakan bagi menjayakan Malaysia Madani.
47. PR-1521-L18450
Tuan Lo Su Fui [Tawau] minta **MENTERI KERJA RAYA** menyatakan rancangan terkini Kementerian untuk menaik taraf Jambatan Sg. Kinabutan, KM8.7 Jalan Sin On Tiku, Jambatan Maria, KM0.6 Jalan Maria, Jambatan Sg. Tiku Table, KM9.8 Jalan Sin On Tiku bagi kemudahan penduduk di daerah Tawau.
48. PR-1521-L18493
Dato' Haji Adnan bin Haji Abu Hassan [Kuala Pilah] minta **MENTERI PENDIDIKAN** menyatakan statistik kekurangan jumlah guru di dalam sistem pendidikan negara dan permohonan persaraan pilihan yang dibuat oleh guru pada tahun 2022 dan punca utama pilihan tersebut dibuat serta sejauh mana persaraan awal guru memberi kesan kepada kekurangan jumlah guru di seluruh negara.

49. PR-1521-L18474

Puan Rodziah binti Ismail [Ampang] minta **MENTERI PENDIDIKAN** menyatakan semua kajian yang akan dijalankan oleh Majlis Penasihat Pendidikan Kebangsaan (MPKK) yang baru diaktifkan, kerangka masa hasil kajian ini akan dibentangkan dan fokus lain yang relevan di samping kemungkinan pertindihan MPPK dengan jabatan-jabatan lain di bawah KPM.

50. PR-1521-L18620

Dato' Dr. Ahmad Yunus bin Hairi [Kuala Langat] minta **MENTERI KERJA RAYA** menyatakan perancangan Kerajaan bagi memastikan kualiti jalan raya persekutuan dapat diselenggarakan dan sentiasa dalam keadaan yang baik terutamanya di Kuala Langat.

51. PR-1521-L18903

Dato' Hajah Siti Zailah binti Mohd Yusoff [Rantau Panjang] minta **MENTERI PEMBANGUNAN WANITA, KELUARGA DAN MASYARAKAT** menyatakan status kaedah penentuan identiti dan agama anak-anak terdampar (Al-Laquit) yang dijumpai dan telah disahkan tidak menjumpai waris bagi kanak-kanak tersebut.

52. PR-1521-L19459

Tuan Lim Lip Eng [Kepong] minta **MENTERI KERJA RAYA** menyatakan rancangan Kerajaan untuk menggantikan sistem kutipan tol monopoli oleh *Touch n Go* dengan menggunakan teknologi Aliran Bebas Pelbagai Lorong (MLFF) atau sistem kutipan tol tanpa palang. Adakah Kerajaan berhasrat untuk menghapuskan semua tol lebuh raya.

53. PR-1521-L18210

Tuan Mohd Sany bin Hamzan [Hulu Langat] minta **MENTERI PENDIDIKAN** menyatakan adakah Kerajaan kini berhasrat menjadikan mata pelajaran kenegaraan dan integriti sebagai subjek utama di semua peringkat institusi pendidikan dari tadika hingga ke universiti.

54. PR-1521-L18550

Tuan Riduan bin Rubin [Tenom] minta **MENTERI PEMBANGUNAN WANITA, KELUARGA DAN MASYARAKAT** menyatakan secara khusus inisiatif-inisiatif khas untuk membantu golongan ibu tunggal yang telah dirangka oleh Kerajaan melalui Majlis Tindakan Kos Sara Hidup Negara (NACCOL).

55. PR-1521-L18258

Tuan Manndzri bin Nasib [Tenggara] minta **MENTERI KERJA RAYA** menyatakan adakah Kerajaan merancang untuk membina lebuh raya antara Segamat ke Kota Tinggi dan Pontian ke Mersing bagi tujuan peningkatan kemakmuran ekonomi dan kesejahteraan rakyat terutamanya bagi kawasan yang terlibat.

ATURAN URUSAN MESYUARAT DAN USUL-USUL

1. (D.R 2/2023) **Rang Undang-Undang Perbekalan 2023 – Menyambung semula perbahasaan atas masalah," Bahawa Rang Undang-Undang ini dibacakan kali yang kedua sekarang," (8 Mac 2023)**

DAN

Usul dibuat oleh YAB Menteri Kewangan dan masalah dicadangkan :

“Bahawa Dewan ini, menurut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa suatu jumlah wang sebanyak tidak lebih dari sembilan puluh sembilan bilion ringgit (RM99,000,000,000) dibelanjakan daripada Kumpulan Wang Pembangunan bagi tahun 2023, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2023, yang dibentangkan sebagai Kertas Perintah 19 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut, dan bahawa Usul yang telah diluluskan oleh Dewan ini pada 20 Disember 2022 mengenai perbelanjaan yang dibelanjakan daripada Kumpulan Wang Pembangunan bagi tahun kewangan 2023 adalah dibatalkan dan hendaklah disahkan.”

Menyambung semula Perbahasaan atas masalah (8 Mac 2023)

2. (D.R 1/2023) **Rang Undang-Undang Pencetakan Teks Al- Bacaan Kali
Qur'an (Pindaan) 2023. Yang Kedua**

[Menteri Dalam Negeri]

3. **Menteri Kewangan akan mencadangkan :-**

“Bahawa Dewan ini, mengikut peruntukan perenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM165,282,814.00 kepada UDA Holding Berhad (UDA), sebuah syarikat dimiliki sepenuhnya oleh Menteri Kewangan (Diperbadankan) kepada ekuti (modal saham) bersamaan Seratus Enam Puluh Lima Juta Dua Ratus Lapan Puluh Dua Ribu Lapan Ratus Empat Belas (165,282,814) unit saham biasa pada nilai RM1 bagi satu unit saham.”

4. PR-1521-U(27)231

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia - Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia - Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak Kerajaan memandang serius perkara ini dengan menyegerakan pembangunan tembok sempadan Malaysia - Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia - Thailand agar benar-benar berkesan menjamin keselamatan perbatasan negara."

[Menteri Dalam Negeri]

5. PR-1521-U(27)232

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan bahan makanan mentah seperti ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan bahan makanan tempatan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bahan makanan mentah. Kerajaan tidak seharusnya melepaskan tanggungjawab menjaga keterjaminan bekalan bahan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

6. PR-1521-U(27)233

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018 - 2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Menteri Pembangunan Kerajaan Tempatan]

7. PR-1521-U(27)234

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan kepada enam negeri kurang membangun, iaitu Kedah, Kelantan, Perlis, Sabah, Sarawak dan Terengganu seperti yang direncanakan di dalam Pelan Rancangan Malaysia Ke-12 (RMK-12) dapat dilaksanakan secepat mungkin. Berdasarkan pelan RMK-12 tersebut, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Ini akan mempercepatkan penyediaan infrastruktur dan kemudahan asas serta menjana lebih banyak peluang ekonomi di negeri kurang membangun dan mengurangkan jurang pembangunan."

[Menteri Ekonomi]

8. PR-1521-U(27)235

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat bencana alam seperti banjir dan musim tengkujuh. Kerosakan tanaman dan kematian ternakan sering kali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

9. PR-1521-U(27)236

Dato' Seri Dr. Shahidan bin Kasim [Arau] akan mencadangkan :

Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. "

[Perdana Menteri]

10. PR-1521-U(27)237

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiap siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

11. PR-1521-U(27)238

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyemak semula garis panduan Suruhanjaya Komunikasi Multimedia Malaysia (SKMM) mengenai isi kandungan media sosial yang sensitif serta tidak sesuai dengan agama Islam dan budaya tempatan seperti kandungan yang *pro-LGBT* dan *pro-liberalisme*. Misalnya, SKMM baru-baru ini telah bekerjasama dengan Polis Diraja Malaysia (PDRM) untuk memantau penyebaran klip-klip video sensitif yang berbaur provokasi dengan niat mencetuskan ketidakharmonian, kebencian dan prejudis. Oleh hal demikian, Kerajaan digesa supaya melakukan tindakan yang sama bagi menangani penularan isi kandungan *pro-LGBT* dan *pro-liberalisme* di media sosial. Tindakan ini adalah penting untuk memastikan martabat Islam sebagai agama rasmi negara terpelihara dan budaya tempatan dihormati. "

[Menteri Komunikasi dan Digital]

12. PR-1521-U(27)239

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

13. PR-1521-U(27)240

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan mencukupi serta membolehkan penyelidikan yang agresif dibuat bagi menghasilkan benih padi baru. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia, Filipina dan Myanmar yang mempunyai tanaman dan baka padi yang berdaya komersial tinggi."

[Menteri Pertanian dan Keterjaminan Makanan]

14. PR-1521-U(27)241

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyediakan pelan tindakan yang komprehensif untuk menangani kadar pengangguran semasa yang dijangka meningkat terutamanya di kalangan graduan universiti, penduduk luar bandar dan golongan miskin bandar. Pelan tindakan ini amat diperlukan memandangkan keadaan ekonomi global juga bakal meruncing pada tahun 2023 dan kadar pelaburan asing di Malaysia akan terjejas. Dengan situasi ekonomi terkini, lambakan penganggur akan menyebabkan peningkatan jumlah golongan B40 dan B20 akibat peningkatan kos sara hidup."

[Perdana Menteri]

15. PR-1521-U(27)242

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya meneruskan usaha untuk memberi bantuan semula kepada pesawah menerusi Bajet 2023. Dalam ucapan Bajet 2023 yang lepas, Kerajaan mengumumkan bantuan sebanyak RM200 sebulan bagi tempoh tiga bulan kepada 240 ribu penerima yang layak. Anggaran keseluruhan perbelanjaan bantuan tersebut adalah lebih kurang RM228 juta. Justeru itu, Kerajaan digesa agar mempercepat saluran bantuan tersebut kepada pesawah yang memerlukan bagi menyokong pengorbanan mereka sebagai tonggak utama dalam menghasilkan makanan ruji utama rakyat Malaysia iaitu beras. Kebanyakan petani di utara Semenanjung Malaysia mempunyai kawasan sawah padi yang luas serta subur yang juga sesuai ditanam pelbagai jenis tanaman seperti kelapa sawit. Walau bagaimanapun, para pesawah ini masih meneruskan tanaman padi bagi menjamin kelangsungan makanan ruji utama negara. Oleh hal demikian, Kerajaan diharapkan dapat menghargai pengorbanan para pesawah ini."

[Menteri Pertanian dan Keterjaminan Makanan]

16. PR-1521-U(27)243

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

17. PR-1521-U(27)244

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh hal yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

18. PR-1521-U(27)245

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan."

Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siangnya Lebuh Raya Sematan – Telok Melano juga baru-baru ini secara tidak langsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

19. PR-1521-U(27)225

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap Akta Suruhanjaya Pelantikan Kehakiman (JAC) 2009, seiring dengan cadangan serta titah Majlis Raja – Raja Melayu, demi memastikan pelantikan lima daripada sembilan ahli JAC tidak lagi dilakukan oleh Perdana Menteri. Bergerak ke hadapan, adalah wajar untuk Kerajaan Perpaduan meminda Akta JAC 2009 dan Perkara 122B Perlembagaan Persekutuan bagi menghentikan campur tangan eksekutif yang hanya mengikut selera politik semata-mata dalam isu pelantikan hakim, sekali gus dapat mewujudkan kebebasan sistem kehakiman serta menjunjung keluhuran perlembagaan dan kedaulatan undang-undang di dalam Malaysia sepertimana yang terkandung dalam Rukun Negara.

Sebelum ini, negara telah dikejutkan dengan pendedahan oleh mantan Tan Sri Peguam Negara di dalam buku tulisannya yang berjudul, "*My Story: Justice in Wilderness*", yang nyata bertentangan dengan laungan Kedaulatan Undang-undang atau "*Rule of Law*", oleh Kerajaan pimpinan Yang Amat Berhormat Perdana Menteri ke-7. Berdasarkan penulisan beliau, terdapat pelbagai dakwaan mengenai isu pelantikan hakim, campur tangan didalam sistem kehakiman, pendakwaan politik, serta pelbagai pendedahan yang menerbitkan seribu satu persoalan. Pendedahan daripada mantan Tan Sri Peguam Negara tersebut amat membimbangkan, menimbulkan rasa syak wasangka dan persoalan terhadap sistem keadilan, dan juga kepincangan atas doktrin, dengan izin, "*separation of power*" atau pengasingan kuasa di dalam negara kita.

Justeru, saya menyambut baik kenyataan YB Menteri di Jabatan Perdana Menteri (Undang-Undang dan Reformasi Institusi) yang menyatakan bahawa, Jemaah Menteri telah bersetuju dengan cadangan untuk menubuhkan Suruhanjaya Siasatan Diraja (RCI) untuk meneliti mengenai perkara tersebut. Namun, saya fikirkan Kerajaan tidak sepatutnya sekadar berhenti di situ sahaja. Sebaliknya perlu meminda JAC 2009 bagi merealisasikan hasrat murni Kerajaan terutamanya dalam urus tadbir yang baik atau '*good governance*'."

[Perdana Menteri]

20. PR-1521-U(27)226

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap harga maksimum telur ayam yang berkuat kuasa pada 12 Oktober 2022 di bawah Akta Kawalan Harga dan Anti Pencatutan 2011 dengan menaikkan harga kawalan telur tempatan dari RM0.41 ke RM0.50 sebiji, iaitu pada paras harga yang sama dengan harga telur import dari India. Di samping itu, Kementerian juga boleh mewujudkan "elaun telur secara *top-up*" kepada golongan B40 dengan menampung selisih harga telur sebanyak RM0.09 (RM0.41 -RM0.50) sebiji. Langkah ini boleh meringankan bebanan kewangan keluarga B40 dan turut membantu penternak tempatan mengatasi masalah kos operasi yang meningkat, sekali gus mengatasi masalah kekurangan bekalan telur ayam. Seandainya elaun telur sebanyak RM200 setahun diberikan kepada golongan B40, banyak telur yang boleh dimakan oleh keluarga B40.

Kementerian seharusnya mengutamakan penternak tempatan semasa menangani masalah kekurangan bekalan telur ayam. Ramai penternak atau pengusaha ladang ayam telur terpaksa menampung kos operasi yang tinggi mengeluarkan telur. Kos untuk menghasilkan sebiji telur ayam di ladang kini mencecah RM0.45 sebiji, di mana sebahagian besarnya membabitkan penghasilan makanan ayam. Menurut Laporan Kajian Khas Kos Pengeluaran Ayam Dan Telur oleh Jabatan Perangkaan Malaysia pada Disember 2022, purata kos pengeluaran di peringkat ladang bagi telur adalah RM0.48 sebiji pada September 2022. Penternak tempatan rugi kerana telur tempatan hanya boleh dijual dengan RM0.41 sebiji kerana ada kawalan harga, sedangkan kos menghasilkan sebiji telur telah pun melebihi paras harga tersebut. Kalau rugi, penternak tidak akan membela ayam untuk menghasilkan telur.

Malahan, telur import dari India dijual dengan RM0.50 sebiji, jika Kementerian memansuhkan kawalan harga, harga jualan telur tempatan juga lebih kurang sama iaitu kira-kira RM0.50 sebiji. Maka, cadangan untuk meminda harga kawalan telur tempatan ke RM0.50 sebiji bakal membantu rakyat dan penternak tempatan. Langkah tersebut boleh menjana ekonomi domestik dari sudut penyediaan peluang pekerjaan dan pembayaran cukai dari pihak penternak, kebersihan dan keselamatan telur ayam, kemudahan logistik, penyeliaan dan pembekalan berbanding dengan langkah mengimport telur dari India.

Justeru, Kementerian wajar mempertimbangkan cadangan pindaan kawalan harga telur supaya rakyat dan penternak tempatan tidak lagi terjejas dalam masalah kekurangan bekalan telur yang berpanjangan ini. Elaun telur kepada golongan B40 juga boleh memastikan rakyat terus berkemampuan menikmati makanan asas ini tanpa terjejas oleh kenaikan harga kawalan telur. Telur dan ayam adalah makanan asas rakyat tanpa mengira kaum atau agama, perkara ini harus dijadikan keutamaan."

[Menteri Pertanian dan Keterjaminan Makanan]

21. PR-1521-U(27)227

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan langkah-langkah Kerajaan dalam menghadapi Kemelesetan Ekonomi Global pada 2023 seperti yang diramalkan oleh pelbagai institusi kewangan dalam dan luar negara.

Menurut kajian yang dibuat oleh Bank Dunia; dalam menghadapi risiko, di mana bank-bank negara di seluruh dunia telah dan akan secara serentak menaikkan kadar faedah secara mendadak. Kesannya, seluruh dunia akan menghadapi krisis ekonomi dan bakal menuju kepada krisis kewangan yang semestinya akan memberikan impak negatif yang berpanjangan.

Pelbagai kajian dasar, pakej rangsangan dan langkah diplomatik perlu dibuat oleh Kerajaan untuk memastikan negara kita kalis krisis ini dan membolehkan rakyat hidup dalam kestabilan ekonomi yang optimum. Selain itu, krisis ekonomi secara global juga dijangka akan membawa kepada kemerosotan KDNK sebanyak 0.5 peratus pada 2023.

Pertumbuhan ekonomi mesti dipertingkatkan supaya negara kita boleh mencapai penukuhan nilai mata wang dan menarik lebih banyak pelaburan yang strategik di mana akan menyumbang kepada peluang pekerjaan, peningkatan produktiviti, pengukuhan pasaran modal dan mengurangkan kemiskinan rakyat. "

[Menteri Ekonomi]

22. PR-1521-U(27)228

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan Kerajaan untuk mewujudkan sebuah jawatankuasa khas di peringkat jemaah menteri bagi membuat kajian dan perancangan dalam membasmi kemiskinan golongan nelayan. Mengikut rekod lalu yang dibuat, bancian daripada SENDI-LKIM (2008-2017) mendapati bahawa para nelayan hanya memperoleh pendapatan melebihi RM1,200 sahaja. Meskipun Kerajaan sudah menyediakan peruntukan kepada nelayan melalui Elaun Sara Hidup Bantuan Nelayan dan Skim Subsidi Petrol, namun dengan peningkatan kos sara hidup dan keterbatasan akses kepada kemudahan yang disediakan oleh Kerajaan telah menyukarkan dan membebankan para nelayan yang berada di kawasan luar bandar. Tahun 2022, sejumlah RM7 juta diperuntukkan kepada LKIM sebagai modal pusingan pembelian ikan tempatan sebanyak 1,000 tan metrik yang akan ditempatkan di 130 bilik sejuk beku di seluruh negara untuk menghadapi musim tengkujuh. Permasalahan ini berlaku disebabkan penglibatan orang tengah yang menganiaya dan mengambil kesempatan atas usaha para

nelayan dengan memberi alasan hasil yang berkurangan disebabkan oleh cuaca buruk dan secara tidak langsung memberikan kesan negatif kepada rantai sekuriti makanan negara. Penerangan yang jelas kepada sistem penyaluran bantuan Kerajaan juga harus ditambah baik terutamanya kepada golongan-golongan yang tidak mahir menggunakan kemudahan internet dan agensi berkaitan haruslah mencari nelayan yang masih belum berdaftar agar bantuan Kerajaan juga boleh dinikmati oleh mereka. Pokoknya, Kerajaan harus meneliti dan menggali dengan lebih mendalam tentang permasalahan yang dihadapi oleh para nelayan. Kita harus memperkasakan saluran bantuan Kerajaan agar tidak berlaku ketirisan dan aktiviti penyalahgunaan kuasa yang digunakan oleh pihak-pihak tertentu. "

[Menteri Pertanian dan Keterjaminan Makanan]

23. PR-1521-U(27)229

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah pelan tindakan khas untuk menghadapi dan mengatasi krisis utiliti terutamanya tenaga elektrik dan bekalan air bersih serta apakah jangkaan kesan kepada rakyat apabila inisiatif Kerajaan mengurangkan pemberian subsidi utiliti.

Krisis tenaga elektrik berpunca dari harga bahan api sangat tinggi yang menyebabkan peningkatan mendadak kos penjanaan elektrik dan pelarasan tarif elektrik melalui mekanisme ICPT. Berdasarkan kepada kos penjanaan yang sangat tinggi ini, semua pengguna elektrik di Semenanjung Malaysia sepatutnya dikenakan surcuj sebanyak 27 sen/kWj bagi tempoh 1 Januari hingga 30 Jun 2023 yang akan menyebabkan peningkatan kos sara hidup sekiranya dilepaskan kepada pengguna sepenuhnya. Sekiranya keseluruhan kos ICPT ditampung melalui subsidi, Kerajaan pula perlu menyediakan peruntukan yang sangat besar dan membebankan.

Krisis sumber air bersih diakibatkan oleh penebangan hutan secara berleluasa dan pembalakan yang tidak terkawal boleh memusnahkan "hutan awan" (*cloud forest*) yang akan mengakibatkan kehilangan sumber air yang berharga selain menyebabkan hakisan tanah dan menjejaskan kualiti sumber air. Pembuangan sampah dan sisa toksik industri juga menyumbang kepada pencemaran air sungai yang boleh menyebabkan masalah gangguan bekalan air tidak berjadual timbul dan menyukarkan rakyat dalam kehidupan seharian dan secara langsung menelan kos yang tinggi bagi meningkatkan tahap capaian bekalan air bersih, tambahan pula kerja-kerja penyelenggaraan dan penggantian peralatan secara berkala di loji rawatan air atau sistem agihan oleh operator bekalan air semestinya memerlukan perbelanjaan yang tinggi.

Oleh hal demikian jaminan tenaga dan air perlu dirangka dengan langkah yang selamat oleh Kerajaan dalam mencapai penggunaan utiliti yang mampan serta efisien dengan penggunaan kos yang rendah serta pengenaan caj tidak membebankan rakyat. Pengalaman krisis tenaga yang dilalui oleh masyarakat di Eropah perlu diambil sebagai panduan dan perkara yang perlu dirujuk dalam membuat sebarang pertimbangan pada masa kini dan hadapan."

[Menteri Sumber Asli, Alam Sekitar dan Perubahan Iklim]

24. PR-1521-U(27)230

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan menubuhkan sebuah Institut Rukun Negara bagi mengkaji dan membentangkan perancangan model literasi perpaduan jangka masa panjang menyeluruh yang akan menyelesaikan masalah polarisasi kaum yang semakin menebal dalam kalangan anak muda di negara ini. Model pendidikan jangka masa panjang ini perlu merangkumi keseluruhan aspek pembelajaran termasuk komponen subjek akademik, komponen kerohanian dan komponen etnik tanpa membelakangi peruntukkan yang terkandung dalam Perlembagaan Persekutuan dan semangat Rukun Negara. Masalah polarisasi kaum akan dilihat semakin serius jika perancangan, penekanan dan pemantauan ini tidak dilakukan segera daripada peringkat awal pembelajaran dan ia tidak dapat mencapai tahap toleransi semua kaum dan semangat kenegaraan semakin lemah dalam kalangan anak muda. Kesannya terhadap potensi untuk membangunkan negara bangsa mengikut acuan kita sendiri akan terencat dan keharmonian serta kesejahteraan negara juga akan terancam."

[Menteri Perpaduan Negara]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.57	Laporan Tahunan dan Penyata Kewangan Pertubuhan Keselamatan Sosial (PERKESO) Bagi Tahun 2020 (Telah Diaudit)	9 Mac 2023

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 09.03.2023 (Khamis)	1. YB Tuan Ganabatirau A/L Veraman (Klang)	1. Perhatian dan Penyelesaian Segera Terhadap Isu Berbangkit Hospital Tengku Ampuan Rahimah, Klang	1. YB Menteri Kesihatan
2. 09.03.2023 (Khamis)	2. YB Tuan Ganabatirau A/L Veraman (Klang)	2. Tindakan Serta-Merta terhadap Sistem Perparitan bagi Mengelakkan Isu Banjir di Daerah Klang	2. YB Menteri Pembangunan Kerajaan Tempatan
3. 09.03.2023 (Khamis)	3. YB Tuan Mohamad Shafizan Haji Kepli (Batang Lupa)	3. Cadangan Membina Balai Bomba dan Penyelamat di Pusa, Parlimen Batang Lupa	3. YB Menteri Pembangunan Kerajaan Tempatan

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**